

INUIT ATAQATIGIIT

INATSISARTUNI



Sisimiut, 7. august 2015

Inatsisartut suleriaasianni § 37 Naalakkersuisunut apeqquteqaat najoqqutaralugu apeqquteqaatit tulliuutut saqqummiupakka.

- 1. Nalikilliliissutigineqarsinnaasut pillugit malittarisassiat allangortinneqarneri kingulliit 2012-imeersut nunatta karsiata aningaasaqarnikkut iluanaarutissaattut naatsorsuutigineqartut anguneqarsimappat?**
- 2. Nalikilliliissutigineqarsinnaasut pillugit malittarisassiat allangortinneqarneri kingulliit 2012-imeersunut atatillugu naatsorsuutigineqarpoq inuussutissarsiornermik ingerlatsiviit mikisut inuussutissarsiornermillu ingerlatsiviit akunnattumik angissusillit pitsaanngitsumik eqqorneqannginnissaat anguneqassasoq. Naatsorsuutigisaq eqquutsinneqarsimava?**
- 3. Nunatta karsianut qanoq akeqassava § 23, imm. 4, *Aningaasarsianit akileraarutit pillugit Inatsisartut inatsisaata allangortinneqarneranik Inatsisartut inatsisaat nr. 9, 3. december 2012-imeersoq*, allangortinneqassappat inuussutissarsiornermik ingerlatsiviit nutaanik pigisanik aningaasaliivinnilu nalikilliliisinnaalersillugit. Ullumikkut § 23, imm. 4 allassimavoq: imm. 2, nr. 3-mi aamma 4-mi pigisanik taaneqartunik tunisinikkut naliusut nalikilliliissutigineqarsinnaasup sinnera qimmussimappassuk, nikingassut naatsorsugaq ukiumi aningaasarsiorfiusumi tassani isertitat ilanngunneqassaaq". Siunnersuutigissavara allassimasoq allangortinneqassasoq allassimalersillugu: "Pigisanik tunisinikkut naliusut assigisaallu imm. 2.-mi pineqartut, nr. 3 aamma nr. 4 tunisinikkut naliusut nalikilliliissutigineqarsinnaasup sinnera qimmussimappassuk, tamakkiisumik nikingassut naatsorsugaq inuussutissarsiornermik ingerlatsiviup nutaanik nalilinnik aningaasaliinerinut atorineqarsinnaavoq."**
(Inatsisartunut ilaasortaq Agathe Fontain, Inuit Ataqatigiit)

Tungavilersuut:

Nalikilliliissutigineqarsinnaasut pillugit malittarisassat allangortinneqarnerini kinguneqaatit siunnerfigisat anguneqarsimaneri takujuminaapput. Misissorneqarnissaa kissaatigaara. pitsaanngitsumik eqqorneqaatinik kinguneqarsimappat piaarnerpaamik allangortinneqarnissaa isumaqarpunga ingerlanneqartariaqartoq.